

雞
肋
集



一三



濟北先生雞肋集目錄

第五十七卷

啓

智門下吳侍郎啓

代上北京韓丞相子華啓

謝何相公啓

賀侯樞密啓

謝韓儀公啓

泗州謝執政啓

代外舅杜侍郎賀姚舍人輝中啓

泗州謝監司啓

謝泗州倅曾丞議啓

謝泗州教授啓

荅賀直閣林次中啓

謝龍圖吳雍薦論啓

高麗人使回遠迎狀

謝高麗使送人事物狀

送高麗使副人事物狀

北朝國信大使先狀

濟北晁先生雞肋集目錄 終

濟北晁先生雞肋集卷第五十七

啓

賀門下吳侍郎啓

誕膺制檢再秉政機已光選衆之求更竦具瞻之
望凡居麻廕靡不欣愉恭惟某官致主忠誠濟時
賢業寵冠三朝之舊譽高百辟之前耆龜治忽之
所昭柱石安危之攸恃久茲均佚未替告猷聿逢
圖任之明復貳納言之重國政弛張之素達人材
能鄙之盡知祇賴和衷以成累洽伏念補之稟性

朴野賦命奇窮早荐歷於閨臺晚屢更於麾守嘗遭尤悔旋被洗湔皆朝廷及物之私與門牆好士之德尚叨寄委敢怠承宣今川流已復而無虞歲事將登而甚美吏知免咎民識樂生仰大厦之帡幪固無不芘撫孤蹤之踐蹠當有所歸卽日再惟變理宴闌神明勞相屬拘官守阻造台閣

代上北京韓丞相子華啓

孚告治廷改司畱鑰逖聞新命竊忭丹悰恭以某官道重躬行望隆世濟翊亮四朝之老儀形百辟

之師黃閣調元意比勞於鼎鼐赤松嘉遯興已傲於林泉屬訪落之云初固思賢之方急茂惟安集尚輟保釐開府加崇擁旄增重居然全魏隱若長城伯敎素明愛茲棠而敢伐公歸寧遽有是袞以宜封某蚤誤陶甄復叨庇賴雖簡書之良窘繫履幕之匪遙幸會居多欣愉倍劇

謝何相公啓

峻騰鼎司誕敷制命嘗致門牆之慶粗申簪屨之虔偉天地之休明曠山川之受納故惟幽介畢獲

昭蘇民知至善之不忘物識太平之無象卽日恭
惟持國有道自天降康三接益隆百祿是擁伏以
某官剛柔體揆文武憲邦尊主遠猷隱申甫之維
翰宜民善政粵丙魏之有聲寬足以得衆而惠足
以使人深可以通志而幾可以成務大臣絕傷手
之斲小人懷隔面之從本於中和成此清靜所以
不勞施設坐致安榮伏念某稟生拙艱擇術迂滯
以塲屋粗知文墨故閨臺誤有姓名然而未嘗當
一事權任一言責是以初從輕坐終獲盪除齒髮

衰齡妻孥滿日晚已無心於事業老猶有累於寒
飢及此分符益知幸會念使功孰與使過况屬盛
時儻成仁可以殺身敢忘異日顧惟遠跡阻望台
闕

賀侯樞密啓

光膺褒制峻執鴻樞國有儒臣以裨上治民知聖
澤當復下流相與歡愉固無遠近伏以其官高明
篤實寬裕直方岌然髦士之中夙有大臣之氣果
逢盛旦自拔周行辭章炳蔚足以鼓動四方操節

冰霜足以整齊百吏事無施而不可才屢施以皆宜曾未十年遂登兩府漢千秋之寤武帝何足慕哉唐馬周之遭太宗無以尚此洪惟聖主以孝事宗廟恩率由於舊章以仁育幅員欲誕敷於文德務進溫良之士聿求久大之功必有同寅來膺至眷豈惟精神折衝於樽俎之上固將中和明備乎禮樂之間而某稟資拙疎賦命蹇薄以塲屋粗知文墨故閨臺誤有姓名不慮冗材既盈小器故暫膺於識拔已旋致於顛躋然而未嘗任一事權當

一言責用迄逢於清問遂終削於丹書儻非獲依仁賢當路之餘光何以克全孤介未塗之晚節重念補之頃親講習又接鄉邦竊比然明辱知子產敢同貢禹恃舊王陽不能自躍於鴻鱣乃獨長鳴於峻阪盡煩深察更欲何求貧未脫於寒飢尚資廩入老不愆於忠孝猶累生成念賀廩之可同悵埽門而無自

謝韓儀公啓

伏念近者特造門牆願親杖屢康寧貌悅千岩松

唯勤集

卷之五十七

詩瘦閣

竹之間蕭散情長一世塵埃之上不覺聳慕膝屈
冰歎意消顧蚤預於甄收非敢言於媚姪高明廣
遠疎逖咸依尚憐孤根未必墜雨生芻一束窘窮
巷之坐愁清酒百壺陪後堂之宴笑曾忘禮絕滋
愧人微綠野放談過晉公之高蹈黃花佳唱比陶
令之將歸醉猶貧於歐茵狂豈誅於落帽顏間和
氣席上陽春以此使人何人不盡旣貪知已特達
勿貳之意遂罄平居淡念欲効之言而莫戒轉喉
幾成捫舌雖禮不禁嫌諱字亦有同音如肇者和

帝名也而漢郡存京兆之稱又操者世祖諱也而
植詩有造日之句載在傳注可以考知乃唐鉅儒
若韓吏部亦著宏辯欲開後疑晉進旣殊釗昭不
避仰惟大雅固已包荒然令公以三朝德望之尊
而不肖有十年門下之舊易知罕犯每慎偶疎豈
止汗顏真成芒背自違鈞席愈攬蓬心悔訟稍瘳
蕪詞始敘伏乞略此細故要諸後圖間順下風且
詢公議似聞芝檢已拜玉音想遂促於曹裝行復
調於伊鼎卽日恭惟神明來相寢餚鈞休補之田

惟力集

卷之五十七

詩瘦閣

野益疎光儀乍阻蕭然形迹失此庇依已戒僕夫
將趨道左庶欲贊輿誦具瞻之意豈獨伸恩閑私
戀之情

泗州謝執政啓

久此投閒初蒙起廢已膺近使更竊名邦荷天地
之曲成玷鈞衡之平施迂疎內揆感涕徒揮伏念
某家世久衰人材甚冗早預諸生之選與從三館
之遊羣飛刺天同時遇合者自其能爾決起控地
無庸不足者安所尤哉幸未忽於省循終獲逢於

湔洗退無仇怨寧論三歲之不興進有盛明未廢
十年之乃字里闐浸鄙文法逾疎顧雖懷遭時有
用之心實亦負陳力不能之責斯蓋伏遇某官忠
誠尊主賢業濟時著龜治忽之所昭柱石安危之
攸恃豈惟丙魏有聲於漢蓋非堯舜不陳於王邦
之榮懷必歸其美於上上有大澤必行而致之民
災祲聿消歡謠允塞恭惟挈國尤慎官人敢圖赦
過之餘迺在選能之列泗雖支郡地實控淮舳艤
上下以相銜冠蓋往來而旁午今秋潦收涸而川

流底平稼已兆於豐登吏苟逃於曠失顧承人乏
適在此時逢歲有餘乃幸乞漿而得酒於生無愛
尚欲舍魚而食熊誓以肖翹仰酬造物

代外舅杜侍郎賀姚舍人輝中啓

拜命中宸升華西掖側聞新命預劇懼悰竊以舍
人制行溫恭修辭敏達夙蘊濟時之業中懷拔俗
之情決科從仕者不四三年閉門著書者踰二十
載化行閭里共畏陳君之知名動京師咸高鄭子
之趣二聖垂衣之始羣才連茹而來首登老成次

起遺逸以謂處阨窮而不惑則宜儂富貴而能行
議禮曲臺衆果推於適變讎書東觀士尤服其多
聞豈徒居遺闕而抗辭司言動而直筆雖亟躋於
法從已久屈於公才出則代言許劉超之清慎入
而承問倚徐邈之博通朝廷得賢中外胥慶某早
塵近列竊企下風未修牆屏之虔先辱緘縢之貺
永言欣佩莫罄敘陳

泗州謝監司啓

久幸投閒初蒙起廢拜明恩而跼蹐奉中旨以馳

驅偶莅屬城遂依大庇州素稱於繁會力尤病於拙
藉視事云初撫躬以愧伏念某材能甚薄學問又非越自諸生蚤升三館再更郎選四領藩麾惟被譴之獨輕故滌瑕之前逮付以要郡俾其赴功野鹿情疎念蒿萃而常在疲鶩氣索見車蓋以內驚伏遇某官寬厚愛人公忠莅事提封一路檢察百城仰惟攬轡之邈然孰不望風而惕若更願小寬檢策稍假歲時必有毫釐自圖報稱官守所拘不獲趨候門牆

謝泗州倅曾承議啓

恩俞守郡幸會同僚平居想望之深今此從遊之便伏以某官賢猷開濟雅趣靖良事業藹其家傳聲名籍於衆口方紓佐郡良屆遠猷然而素履允修撫謙更篤宜入預清華之選寧久從闢決之勞惟此拙艱劇於延跂歌襦袴之慕深愧非才詠海沂之康終煩敏手方圖馳問遽辱惠音黼繡之辭蔚然累幅衰頽之質煥若增輝展晤非遙欣愉可既

謝泗州教授啓

比蒙恩檢改莅便州悵馳問之未遑辱流音之先及眷言披玩但極感銘伏以其官早擅俊聲蹤登科第偉該通之經術燁藻麗之文辭暫居討論亟躋要近某衰遲假守邂逅爲僚敢辭奔走之勤行有晤承之便方茲殘溽更厚自持

荅賀直閣林次中啓

升華內閣增秩列卿雖揚歷之固宜亦東掄之寢重竊以冊府之設非止於藏書文館之名固先於

延士大則典領誤述或次補法從之崇卑而是正校讎猶擺落常流之賤嘗思所以置此之始又念所以待之之殊豈欲虛名相矜而徒以廩食豢養於燕休淡廬默坐而不聞朝廷議論之毫末世務旣趨於一切書生亦習於自輕迨茲陵夷最號閑冷聖明繼照貞品復修方將敷求久任之俊良稍以敦勸方來之遺逸猥同聲氣預有光輝恭惟某官少以藝文早收科級本於高才達識之所致濟以彊學好問而旁通明白不私敏捷立斷事每試

而皆可居所去而見恩烏府郎曹屢更於繁要蘭臺都省稍陟於高華果奉明恩更躋祕職猗歟父子之相繼藹然兄弟之嘉聲儒者之榮衆人所慕行超騰於近列益開發於遠圖致主之功計日以俟補之備員中秘絕企後塵乃蒙齒記常僚講修故事交馳牋牘慙輩行之非宜藏置縑綗傳于孫而爲好

謝龍圖吳雍薦論啓

陳編窺竊何補諸生華袞褒榮敢煩一字誤蒙代

匱祇劇厚顏補之稟生旣愚聞道亦淺少日狂狷頗復激昂長年艱難稍亦咎悔不幸先子蚤棄諸孤居然爲貧初此求仕賣刀買犧行藏獨可以自期觀頤含龜失得不足以相補竭來泮水三易歲華無它時捧檄之勞有平居肄業之樂譬彼倦鳥聊復投林坐令摧頽滋用迂闊風雨子桑之席促軫屋穿蓬蒿仲蔚之園披書案朽間偶好事惠然晤談務閑偷安孝滿當去豈圖過聽乃此誤加謂鳬足非長而雞肋可惜收置門館論諸朝廷此蓋

伏遇某官高才得君強恕待物統綏一道刺舉百
城如般之運斧斤曾微擁腫若良之操纏策安有
疲鴛曲憐孤生爲借餘潤笞張安世不樂私謝而
李習之嘗賦感知趣非不同義各有處更願寬其
不及須以後來豈無毫釐可卜報効

高麗人使回遠迎

伏審航琛入貢館飮言歸瞻九雉之崕嶧夢回天
上指三韓之縹渺色見睂間候役來聞使軺將及
參承可卜欣抃良深

謝高麗使送人事物狀

茲緣迓勞初獲晤瞻入覲日畿慶賜牽之成禮言
歸海國辱展幣以交驩盛意難承珍藏敢置

送高麗使副人事物狀

州僚備位郊犒常儀蚤欽俎豆之風先煩委贊願
報瓊瑤之好敢廢實笄薄物將誠別封具列

北朝國信大使先狀

茲者歷紀歲端禮欽鄰問眷使輶之于邁幸候館
之可休冒涉寒威乂寧福履趨承良邇欣詠徒深

濟北晁先生雞肋集卷第五十七

濟北晁先生雞肋集目錄

第五十八卷

啓

與謝寶文啓

謝淮南漕彭元施啓

與京東漕黃朝散啓

荅謝華守趙子剛賀入館啓

與亳守向宗旦啓

上河北漕呂進伯所業啓

代胡唐臣授蘇幕與使者啓

授澧州司戶答韓諫議璣請充教授啓

回鄆城孫簿啓

賀教授陳履常啓

荅謝狀元李常寧啓

荅謝宗室奉議啓

荅賀李祥改宣德啓

荅亳州趙教授啓

太學荅學生林自啓

荅王勳謝貢啓

荅陸倅啓

濟北晁先生雞肋集目錄

終

濟北晁先生雞肋集卷第五十八

啓

與謝寶文啓

竊審再膺宸檢還鎮淮邦副朝廷因任之求慰民
吏去思之意伏惟歡慶恭以某官忠盡者德文詞
宿儒蚤訖淵衷徧躋法從長人京邑豈徒前有之
趙張控虜藩垣真是禁中之頗牧惟江陽氣俗之
舊有棠陰惠化之餘農絕帶牛尚未忘於勸課兒
騎竹馬願復見於行春惟暫屈於統綏固不勞於

經理而補之倦游文館得請佐州曾未造於門牆
將獲依於麾棨自惟幸會尤劇欣愉方冬沴凝取
道遼遠

謝淮南漕彭元施啓

吏能何補公舉過優迂疎內循光價已倍伏念補
之無自得之學非適時之才間關一名黽俛十孝
庠校五歲館閣四年不能穡而取禾退默既慙於
素飽未操刀而欲割進爲又懼於得傷故嘗冒請
於外官庶幾自試於民事而託部封之未久辱咳

唾之獨先靜言思之何以得此斯蓋伏遇某官忠
以事上恕於取人過譽斗筲俾參瑚璉李長樂之
許文舉非爲通家暴公子之知不疑儻緣一語人
之幸會勢豈偶然誓堅許國之心終得報恩之所
感荷激切不知所裁

與京東漕黃朝散啓

伏審祇膺眷擢榮摠漕將已擇剛辰初臨治部伏
惟慶慰恭以某官才高當世聲發妙齡行誼規於
古人文章固其餘事鴻干以序美旣載於兩朝玉

立而溫威自宣於百郡屬河朔流移之始復而山東罷療之未蘇庶幾小豐有望卒歲故暫假問民之寄豈久迂攬轡之行補之頃濫麾符方茲譴謫何意周旋之舊乃依刺舉之嚴捨曰蘇孺文之天迂疎敢有或者李將軍之地寬大所爲非輒病於至公實少伸於知已永言幸會莫罄敘陳

荅謝華守趙子剛賀入館啓

頃者効官河外託庇府中違離屢易於歲華傾想第勤於魂夢疎慵成癖問訊闕修伏惟坐鎮安閑

履時休裕補之才能甚薄學術亦迂比緣明詔之求偶用輔臣之薦道山羣玉之地濫跡莫遑長林豐草之思此心固在斯蓋某官忠信好禮彊恕行仁吹噓所加隱伏皆奮蓋嘗勉裁尺牘槩敘鄙誠置几塵生開緘字滅既後時而莫致滋撫事以爲慙乃蒙眷私特枉慶賀辭極璆琳之美情踰骨肉之親顧惟感銘尤劇衷憫新元肇布介福來同

與毫守向宗旦啓

頃緣契援嘗奉標儀去牆屏之已賒託麾符而淡

幸恭以某官溫良植已忠盡在公勳名烜赫於相
門媿戚蟬聯於帝室不由此進自以才稱騫翔省
寺之華更踐藩垣之重居有善政去嘗見恩而補
之疎拙領州乖違得譴未更歲律仍避親嫌仰寬
大之足依俯飄搖而自慰奔馳敢後參對可期

上河北漕呂進伯所業啓

草木有榮逢春乃耀鳥蟲含響待氣則鳴物誠甚
微情乃如此士有知識志宜激昂自憐孤生誤喜
末學執技不化知已益消寅緣官曹統莅使部竊

以畏大人於早歲事君子於一朝向塵長趨人進
亦進登堂危坐衆言則言不圖高明見假顏色問
訊所學開擴其愚昨成至言所要知道退念空語
滋不欲陳然而殫廢楮毫棄滯箱簏憤悱已吐蕪
蔓莫刪猶望牛歌足觀蠅墨可緩察鄙心於甯子
成拙繪於曹生則雖孔門未廢由瑟尚或有取不
爲無庸

代胡唐臣授蘇幕與使者啓

此者忝命宸廷備員州幕仰威容之固久託封部

以爲光竊自思惟良深幸會伏念某才出中下譽
乏鮮明雖任使之粗更顧毫毛之未立祇惕謹尤
之後摧頽禍罰之餘豈敢進求智挈錦而安取庶
幾分守恩弛負之已多此蓋伏遇某官忠以事君
恕於接物蕭生論議寧忘意於本朝范子澄清蓋
有心於天下寅緣竊食邂逅望塵捧檄束裝計官
期之良邇登堂聞教况吏政之可師欣忭之情倍
百常品

授澧州司戶荅韓諫議璣請充教授文

竊以貴賤位殊義非均則有所不荅賢愚術異勢
既絕則無以相求蓋明公在上之達尊而不肖衆
人之晚遇解褐一命從軍大邦以未嘗知名而過
聽獨收故不待望履而陳書犯分罪實出於不韙
誅宜獲於非常敢謂伏蒙某官寬裕有容威嚴曲
霽猥以世間之盛禮施於麾下之鯀生屈記室以
裁牋賜家童而返報往來嫌於敵體進退越於常
倫愧汗莫堪駭情無措炳若文章之眩目茫然藜
藿之驚心上煩開府之知下無國士之稱至於假

資助乏輟棄代徒自惟平生得此固寡三復敢置
累息弗寧蓋補之才實窳疎學尤拙陋幼雖有志
壯益無聞幸邁明昌預霑教養庶幾同小子之有
造未敢與先生而並行正使米鹽効勤猶病弗稱
若復庠序肄業尤非素長伏况門下德誼之最隆
府中衣冠之甚美鄒枚毫牘之侍應劉樽俎之陪
足以議論古今酬酢左右豈宜下陳無似之賤吏
乃辱大人當路之末光拜教至榮拊心益忝請自
愧始私不忘築臺之初卽以遂行尚或有奉盤之

頃斂板就列計日有期託庇門闈終身憫幅惶懼
激切之至

回鄆城孫簿啓

麋鹿情疎但記蒿芩之樂鶴鸞跡遠無心羽翮之
追忽被除音復叨守土髮星星而久憮綬若若以
增慙敢圖眷獎之深首辱緘題之慶徒欽雅致夏
越常流偉初奮於仕塗藹已揚於才譽身相爲援
豈無用力之公卿意獨與親乃在退藏之農圃將
高懷之固異實近世之所稀補之自信良堅與庸

已甚枉瓊瑤之爲好撫蓬癡以生輝感荷之誠倍
百常品

賀教授陳履常啓

擢領掾曹歸臨鄉校與從游之良舊私慰喜以居
多竊惟國之求才病取捨之膠於法士之涉世患
進退之失其中設科舉爵位以誘人假誦數詞章
以干祿須其出試則鄉黨自好者耻夫屢獻不以
禮際則山林長往者豈其肯來故上安於有司之
區區糊名以爲公而士惑於古人之皇皇載質以

爲辱莫聞覽德之鳳率多食餌之魚恭以某官行
獨而通志潔而降不落落以如玉矧泛泛其若鳧
窮無立錐術可濟國至於博覽之學絕出之文要
其平生固曰餘事尚不屑去安有求聞聲自籍於
諸公章數騰於當寧拔起閭里朋類之榮收還妻
孥親黨所喜未促公車之詔聊從泮水之行庶觀
成山必自累土辭尊及富仕何往而非安有爲與
行志苟存而皆可貽殘良幸修慶獨稽傾詠之誠
倍於儕等

荅謝狀元李常寧啓

擣詞中禁擢秀羣豪一鳴而驚閭里爭傳於盛事
三道之要朝廷相賀於得人伏以某官藏器於身
待詔而往文非時好近瀨噩之商周經本心通無
異同之王鄭囊錐出穎郵傳馳聲望冠蓋以傾風
固其素願過蓬茅而委質非所宜堪豈徒一戰而
稱雄庶觀千里之自此忻愉良劇敷敘何窮

荅謝宗室奉議啓

程文入等恩詔換官起身玉牒之華通籍金闈之

貴伏惟慶慰竊以邦國之建本支是崇變商餘風
周化行於麟趾懲秦孤立漢勢定於犬牙豈徒魯
衛兄弟之俱賢固宜向歆父子之間出逮觀近世
莫盛李唐持鈞軸以當朝適之首出以文章而傳
世長吉獨先聲明迄今想像未泯恭惟聖世尤篤
宗盟惜夫飽祿廩而宴安故使學詩書而進取及
茲歷歲寢得聞人新恩奉議稟性茂良修詞敏邵
恥從派屬輩居環衛之中欲以功名自致薦紳之
上果緣藝選驟改文班同列相矜一時盛觀竚騫

騰於夷路益開發於遠圖先枉緘封過形謙挹感
銘良劇敷敘奚殫

荅賀李祥改宣德啓

延對宸廷改榮京秩從游茲舊慰喜良多恭以宣
德懿行不羣令儀可度粵從幼學夙有俊聲下帷
未省窺園持竿寧悟流麥其精如此故資之淡珠
玉蘊含山川輝媚自當名世豈獨傳家補之氣合
相求心均莫逆紺綯洗之何取概株枸之自留臨
水送將牛羊方下望風懷想鴻雁欲來庶幾逢聲

子之班荆且復過孟公而投轄未遑馳慶先辱流
音尚阻盍簪惟期彊餅

荅亳州趙教授啓

茲緣罪譴復避親嫌跋才譽之素勤聯官曹而深
幸恭以教授推官端良可度超犖不羣蚤收科第
之榮方莅膠庠之佚粹精古學本自得於下帷敏
捷高辭咸相傳於倚馬操惟幽而不改聲乃大而
遠聞倦飛聊比於一枝築室尚容於三徑先煩慶
問尤認眷私感服忻愉併增誠悃

太學荅學生林自啓

竊審論秀辟雍登榮造士伏惟慶慰上舍先輩懿行可度美才不羣負笈徒行豈辭李固之千里違親忍志未厭何蕃之五年故能通達大成文史足用升諸鄉而有素告於王而可官以補之預在膠庠特貽牋翰推先非據感服徒淡

荅王勳謝貢啓

數從升補初預賓興雖學制之同然必鄉評之所與竊以貢士先輩幼稟雋異蚤勤編摩敏七步之

修詞飽五車之彊記李廣百戰未立寸功何蕃一
歸動輒累歲阨窮已甚操守更堅果緣考察之公
往偕造秀之選國有道化方革浮華士惟忠良乃
稱推擇九層始於累土一鳴可以驚人豈但顯親
固將行義願恩飯粟務正學以言而發身母後輜
車稱稽古之力以辱士先承緘翰但劇感銘

謝陸倅啓

輒自班聯屆臨州郡涓辰之善視事云初伏惟慶
慰恭以某官經術博通文詞敏贍賢闡論秀蚤成

金玉之章卿寺須才久躡鵠鴻之綴英猷方顯雅致不羣自求外官欲試民事聳聞交印已楊慈惠之聲卽見賜環復在清華之選補之田閭託跡萍梗因風當趨牆屏之嚴以伸桑梓之恪屬茲被命旣追赴官愧流問之辱先悵叅承之莫遂

濟北晁先生雞肋集卷第五十八

濟北晁先生雞肋集目錄

第五十九卷

啓

赴揚州上太守王資政正仲啓

與交代范峒啓

與淮南提刑賈殿院啓

與淮南監司啓

上揚守王正仲啓

雜錄

卷之五十九

詩瘦閣

與淮東提刑王司諫啓

荅揚守判官趙奉議啓

荅致仕劉敏大夫啓

與京東漕張道順啓

與京東提刑趙景仁啓

荅淄守啓

與提舉鄭彥能啓

與京東漕呂直父啓

荅滑守李孝純啓

賀知府趙待制移鎮啓

謝提刑上官正言啓

畱臺韓朝請到狀啓

荅濰守啓

揚州泛用賀冬啓

元日賀啓

荅交代中散啓

與李中大啓

謝呂大夫啓

荅通判朝奉啓

代韓太中賀徐中丞啓

與淮南監司啓

謝解啓

公爲求親啓

送幣啓

公似求親啓

代謝求親啓

許親啓

送幣啓

求親啓

濟北晁先生雞肋集目錄 終

濟北晁先生雞肋集卷第五十九

啓

赴揚州上太守王資政正仲啓

比者得請宸廷備員州佐蚤在陶鈞之內久弊牆
屏之嚴寅緣庇依欣喜幸會恭惟某官道德世範
文詞儒宗龍虎之得風雲主威益重山淵之有珠
玉國勢增華加以仁厚不矜直方有體倦經爲於
機政思宴息於藩維而補之無府後來書生孤立
慙梧鼠之五技窘侏儒之一囊江海之恩日縈魂

夢麾符之蔭與有光榮春水已生吳艎當具尚曹
裝之未促儻苟御之可容鄉往之誠倍百常品

與交代范峒啓

蒙恩外補承乏後塵惟慕誼之素勤獲趨風而自
慶恭以其官夙懷賢業藹有令名行已不撓而衆
推居官所至而民願尚淹器幹屈佐藩維補之質
薄自憐學迂寡與陪英髦於中秘非所宜堪奉甘
旨於宴閑蓋其私便企青雲而雖舊繼白雪以良
難行造門牆粗窺矩範欣愉幸會悃幅奚殫

與淮南提刑賈殿院啓

蒙恩外補竊祿便親望履幕以良勤去門牆之未
久敢圖官守遂在部封恭惟某官道業古人之期
風聲列位之冠以義出處繫時重輕雖雅意不忘
於本朝而直諫自難於居內久傾公議尚屈遠猷
補之質薄自憐學迂寡用糜丹鉛於冊府固乏毫
釐佐條教於藩城足殫騫蹇趨參良邇庇賴爲榮
瞻詠欣愉併淡惆悵

與淮南監司啓

蒙恩補外竊祿便親仰風望之素隆傾誠心之固
久敢圖官守遂在部封恭惟某官賢業藹聞公才
屢試奉行寬大之令威亦暢於屬城愛養疲瘵之
毗財不虧於成賦尚淹使指行副褒延補之質薄
自憐學迂寡用糜丹鉛於冊府固乏毫釐佐條教
於藩城足殫鴻塞趨叅良邇庇賴爲榮瞻詠欣愉
併淡悃幅

荅揚州教授曾収啓

比者請外便親蒙恩佐郡往歲周旋之舊彌年契

闕之懷又此從遊良爲幸會恭以其官精智洞物
高才邁羣倚相讀書博洽窮於世表正平作賦敏
提出於坐中科甲先登名譽早立當居要近寧久
宴閑補之自以拙艱安於疎逖青雲魏闕初驚日
月之遙春水隋河已夢江湖之上聊復爾耳慙爲
米之淵明于時言言喜班荆之聲子清和在候導
養適宜先辱音題尤增感刻

上揚守王正仲啓

近承恩撫叨備府僚嘗貢郵牋僭塵台凡敢謂謙

尊之盛德曾無疎賤之遐遺飭書記以染修付候
兵而傳致獎收踰分感愧并心伏審得請過家方
春展墓散黃金之百鎰見白髮之故人鷁舟歸濟
於晴江虎節還臨於治部卽日鎮撫多暇神明用
休補之蚤被陶甄久辭牆屏載勤舟楫奉甘旨以
知榮適及郊圻聽歌謠而自慰意行調於元鼎難
久託於後車用此傾馳不忘魂寐清和當候拜伏
可期

與淮東提刑王司諫啓

被選中宸改臨東部獲趨風之良舊思去德之未
遙側聆除音尤喜幸會恭以其官學術知古才謀
適時直節在於諫垣能聲聞於省闈訪民恫苦姑
暫屈於登車副上褒延已久虛於前席補之才質
人後趣操衆違比緣將母之求偶遂佐州之請敢
圖官守預占提封庶自竭於疲駑斬永依於庇賴
欣愉鄉往併劇下情

答揚州判官趙奉議啓

辟書畫可賓幕改除惟跋慕之素勤獲從游而私

幸恭以某官美才自立佳譽藹傳鳳穴一翰殊有
超宗之質龍門獨上早膺元禮之知念契闊之未
遙辱音題而尤喜炎歎方熾款晤可期

荅致仕劉敏大夫啓

竊啓風聲未親晤語枉書郵之先貺審舟御之將
臨卽日順履凝嚴茂迎福祉某官賢誼甚美公才
素高浮榮如過於蚊茧苦節自期於松柏幸緣寓
止當遂從游載惟欣慰之多非復敘陳之究

與京東漕張道順啓

念趨風之良舊復去德之未遙遂託部封實爲幸
會恭以某官博學知古通才適時揚歷省闡名獨
高於羣彥從容使指威自讐於屬城方聖政之又
新豈賢猷之久屈補之內慙竊祿自乞試州歲比
不登民逃未復撫循有道在躬守於詔條施舍不
煩可面承於教約炎歎方熾叅奉有期

與京東提刑趙景仁啓

光膺帝制出領使權已次封圻初交印節伏惟慶
慰以其官高才敏達雅操靖嘉玉立班行固朝廷

之妙選風生羣聽藹臺省之休聲尚屆遠猷俯臨
一道行著澄清之績亟歸侍從之華而補之請外
便親得官屬郡竊伺張旼之邇將申守土之恭欣
抃之誠倍百常品

荅淄守啓

去闕廷之伊邇施負擔之云初畫界相望親仁良
幸補之世家單系冊府後來文無取於將明武不
足以捍衛每自慙於索米姑求試於長民伏遇某
官忠蓋事君中和布政顧何功於製錦竊自喜於

分光未暇染修先承慶問感銘殊厚敷述難窮

與淄倅啓

著述寡功迂疎畏罪輒自陳於將母偶得請於爲
州敢圖弛負之初乃辱馳書之貺感銘殊厚傾詠
益勤恭惟某官懿行溫良公才敏邵題輿以俟偉
仲舉之高名投傳而歸小巨卿之獨操宜入聯於
省寺寧久困於簿書而補之曩督宦游寅緣晤接
回首十年之舊相忘數舍之間尚阻合併重增鄉
往

與提舉鄭彥能啓

頃寓都城偶連牆仞自惟疎拙方力請於郡章亦
值高明將出宣於使指幸趨風之頗數復去德之
未遙間關行路之勤倥偬交符之始仰依大庇內
激愚衷伏念補之素不逮人猶知信已少時薄技
誠何取於屠龍長歲虛名固無堪於挹酒窘中塗
之蹇跋賴十手之輓推矧在仁賢最爲知舊當法
令再行之際屬疲鴦承乏之時庶幾平均未廢詢
採恭惟某官忠以事上惠於撫民嘗力學夫古人

知爲政之大體清河恃孺文之故敢有是心渤海
遇勝之之賢儻緣今日官曹冗甚書牘闕然尚阻
參承重增延跋

與京東漕呂直父啓

被旨中宸改臨東部凡居麻庇舉集欣愉恭以其
官業履忠純才謀敏達當先朝之慎東在羣俊之
上游使指屢將守麾荐擢居有顯効去常見憲方
聖政之又新豈賢猷之尚屈而補之自惟疎拙頃
辱交承復幸提封獲依刺舉惠畱多袞民借寇以

無由威暢連城盜奔秦而先改趨叅甫邇頌詠尤
淡

荅滑守李孝純啓

久託姻盟未親賢度一麾假守釋負檐之云初千里贈言想音容而如接媿慙既厚欣喜并淡恭以某官懿行自將高才挺出蚤踐揚於要宦方烜赫於能名列戟映門固大家之流澤塞帷行部有循吏之遺風側聆交符幸此授館將獲踵門求見之便以慰慕義無窮之心契闊未間傾馳尤劇

賀知府趙待制移鎮啓

光被制書改司京鑰凡居麻庇舉集歡愉恭以某官中正而通優游以法蘊經邦之遠業在志學之妙年入奉清光文采昭回之上出臨方面折衝燕笑之間自當綱紀朝廷許謨帷幄尚茲均佚咸謂非宜補之疎拙守藩乖違得罪敢圖恩宥乃佐畱居仰大厦之足依俯孤蹤而自慰妍和取道順履逢休

謝提刑上官正言啓

奉法不虔蒙恩薄譴何意拙疎之跡乃依刺舉之嚴莅事云初省躬淡幸恭以某官風猷甚遠德操不回學蓋在於誠身仕不斲於遇合少馳妙譽蚤掇上科夷考平生實皆餘事尚出將於使指行歸侍於禁垣而補之樗朽無堪萍蓬惟寄去門牆之滋久備官屬以爲榮收堂下之言雖仰煩於大雅効囊中之穎茲方窘於末塗更願須以歲時寬其纏策庶幾報稱可積毫釐感愧之懷倍百常品

畱臺韓朝請到狀啓

奉法不虔蒙恩薄譴敢圖佐守遂隸分臺眷言離索之情獲此從游之幸恭以其官慶傳累世譽滿本朝子產知然明之心殊非今日文舉待正平之少固與忘年馬伏櫪而長思萍因風而相值人生投分勢豈偶然念布敘以未遑辱音題之良厚欣愉感荷倍百鄙懷

荅濰守啓

自以拙艱安於疎逖抗章得請交印云初傾心德誼之勤引領疆圻之邇願馳書之固久特攬事而

未遑恭惟某官慈惠爲春清明可鑑帶牛緣敵不
但格於頑民渡虎去封已先柔於異類將入補公
卿之缺豈惟錫車劒之榮慙製錦之難工幸分光
之無損首貽慶問倍荷眷私屬守郡符阻親履幕

揚州泛用賀冬啓

銅儀軫轉肇南陸之景長緹室飄颻知黃宮之氣
至人惟剛德天與介休恭以某官篤實方中柔嘉
暢外世大來而小往時陽息而陰消用此進爲孰
量事業悵坐糜於官局阻趨慶於賓墀欣頌之誠

倍越常品

元日賀啓

羊雞祓惡導四氣之始和椒柏泛醇薦百年之難
老惟人視履與物咸新恭以某官中正以通柔嘉
維則入陪嚴禁屢輸竭於忠猷出總連城暫布宣
於惠澤順迎端月茂擁介休悵拘繫於郡章阻參
承於戎幕永言善頌數倍常情

元日賀啓

羊雞祓惡道四氣之始和椒柏薦醇介百年之難

老惟人視履與物咸新恭以某官中正以通柔嘉
維則佩牛還畝知警夜之可虛竹馬迎郊想班春
之方暇順迎端月茂擁殊休悵拘繫於郡章阻參
承於賓幕永言善頌數倍常情

荅交代中散啓

拜恩中禁假守瀕河念仳別之尚新獲交承而自
幸恭以其官德誼粹美材猷敏彊久束在於班聯
暫屆臨於刺舉將聞顯用諸大夫皆曰賢固有規
摹舊令尹必以告未遑修問先辱流音叅晤可期

欣愉良劇

與李中大啓

倦游郎省得請藩麾平居慕望之勤今此晤承之
便恭以其官德履端潔才能敏長學穉齒而蚤成
志耆年而彌邵踐揚臺閣蓋政事之猶存穎脫雲
泉固風聲之可尚馳書尚闕流問辱先傾蓋足榮
驅車竊抃

謝呂大夫啓

請外便私蒙恩補郡去闕庭之伊邇弛負擔之云

初問俗何先聞風增慕補之世家單系撫府後來
文無取於將明武不足以捍衛每內慙於索米姑
求試於長民伏遇某官脫畧軒裳燕居里第顧何
功於報國竊自喜於親仁未暇染修先承榮問感

銘良劇敷述奚彈

荅通判朝奉啓

得請宸庭出分郡寄惟傾風之素切偶聯事以爲
榮恭惟某官德誼致修聲猷自奮揚歷閨臺之舊
回翔藩闈之游咸謂非宜安能久屈庶幾有政賴

別駕以不空固願無何如淮陽之高臥叅承良邇
欣幸尤深

代韓太中賀徐中丞啓

躋榮螭陛進總霜臺恭惟慶慰伏以其官天才俊
良神氣宏偉起于磐之鴻漸爲溟海之鵬搏操行
古人之期謨謀當代之映賈誼之遭文帝千載所
難馬周之遇太宗一言而合亟任掌綸之選迅陞
專席之雄光華儒林洋溢士論側聆新命俯愜素
誠限繫外官阻申慶謁永言欣忭曷罄敘陳

與淮南監司啓

罪謫佐州親嫌易地倚門牆之良舊託封部之云
初內顧迂疎尤淡幸會伏念補之少而孤立壯不
適時誤貼職於書林本無學業濫承流於藩郡祇
用資塗敢攀鵠鵠之高嬉自笑鉢罌之易滿黑生
白犧寧論無妄之災醜效美顰宜取求全之毀賴
聖時之忠厚俾愚分以便安每自揣循惟知憐惕
伏遇某官至誠樂育大雅不羣恕常用於一言威
自行於千里尚寬刺舉小假歲時儻不重於悔尤

或粗收於毫末

謝解啓

伏覩解榜偶被薦送者迫彊敵以當前初虞逐北
挈孤軍而冒戰遽預先登進叨非據之榮退積循
涯之愧竊以治非一道三代之所同功學非一師
百聖之所竝宇更末流於淺鮮之後追大本於芒
忽之爲五官猶具於天根六鑿未仍於物僞行義
忠信粹乎常得於固存言語文章卓然皆出於可
用教化之所被及風俗之所影隨中國無異於四

方野人知學於君子王者之迹未熄古人之體尚存少變而爲晚周大壞而爲戰國處士以詖行自售公子以得人相傾離騷濫於辭章兵法窮於威武禁游說者縱橫以辯顯任使者推理以雄俗僻則吳越無秀民照奇則鄒魯無異行陵夷百世鹵莽一塗漢汾秦餘而莫醇唐因隋舊而未善際真人之撫運混雜霸之餘墟英宗廣於規謨仁祖備乎文物今上闢圖書之府重禮樂之司息誦數爲腐儒廢雕蟲爲土苴奮乎百世之後覩此六經之

難以是取人謂宜得士如補之者拙非世用僻與衆違有轉喉觸諱之窮無炙手可熱之助流離百狀辜負寸心搢紳之所未信而無庸鄉黨之所共輕而竊笑踽踽自守無意於含龜張張何從迨同於卽鹿亦嘗側聞長者之論庶幾得上君子之堂十載屬文七年論學蚤濫舉首輒困退飛託患難之餘生守迂疎之舊習仰箕裘而莫繼俯蓬甕以增羞望絕亨嘉分投窮籍詩常招隱書或絕交它人謂其逆施智者以謂非異不覺歲月之易失竊

省功名而自驚遠舉何爲聞虛絃之已怯相忘可
樂忘芳餌以復來然而學不能偶當世之方圓材
不足當大人之取舍僥倖自力攀拳莫堪一字固
微屢經營於燥吻萬言良富愧滂沛於搖毫尚賴
庶明過辱題品掇其片善躋以上游斯蓋伏遇某
官大雅不羣至誠樂與譬之水正錯而不動與夫
衡誠陳而不欺有形焉得而苟藏無物不可以自
試故容蕞陋亦預甄收某敢不增益淺聞激昂壯
節鶻搏有待固未忘九萬之程狗盜爲功猶不愧

三千之客

公爲求親啓

慶長舊望雖懷齊鄭之殊投分明時實許晁張之
竝輒恃斷金之好曾忘倚玉之嫌仲孺姪孫吏部
長男公爲不逮於人粗敎以義伏承賢弟龍圖位
第十一小娘子閨儀世邵女美幼聞妾仲納采之
誠私幸宜家之慶不忘故分終惠好音

送弊啓

近者輒布私誠仰希高援愧山川之能受報金玉

之好音不鄙單平更篤盟好及泮冰之未幾羞束
鹿之惟時念孔李之通家寧慙於舊庶媯姜之五
世殊未可量永言欣愉莫磬陳敘不腆禮弊具如
別牋一小牋于國趙其深女美與擇妾聊無不
其恨公似求親啓大牋其以矜卦平賈其
通家奕世如蘭未喻於夙心繼好諸孫投李敢期
於厚報載敦合姓敢替問名伏承某人女善慶所
鍾德容兼茂某人男屬方幼學期以成人男既彼
甥女惟此出契援踰於它族禮律可以通昏鳴鳳

其昌已篤媯姜之舊同車信美不遑齊鄭之嫌跂
望良勤好音無閟

代謝求親啓

近枉行媒特傳嘉命高門絕企實懷賈詡之私見
子良勤願附王謙之義仰慙眷厚敢布悃誠伏承
某男蚤聞俊良自立孝悌無綺紇餘子之好有詩
書寒士之風其女方妙年齡未閑警戒采蘋南澗
雖法度之可追如舜同車顧德音之未著承言感
佩難遽遵承

許親啓

比念鄙宗難攀高援輒布敢辭之義重煩同好之
言詠鯀鯉之詩雖有慙於齊宋思冠冕之胄誠竊
慕於崔盧矧繢綰之已勤欲逡巡而安可願言託
附實有光榮感刻良深敷陳莫究

送弊啓

疊煩信紹申篤嘉盟煥然純帛之儀寵以問名之
耗蘿施松柏後方昌而莫與京桃報瓊瑤物雖薄
而用可重不腆實篚具如別歲

求親啓

台鼎高門金蘭重義已幸趨風之舊矧煩繼好之
修令弟某官制行孝恭稟資英爽幹盡優於用譽
視履宜於孝祥某房第幾孫女蚤慎閨儀粗知婦
教乃求葑菲俾結絲蘿承命愧慙披詞榮耀竊欽
慶善方膺五世之昌輒昧單平願布一言之諾其
於銘感豈盡敷陳微物將誠具如別幅

休辭翫豈盡焚荆燭旣焚具退聞謹
奉書天朝正指玄昌轉相單平風雨一言之苗其
郊外宋旌其旛旛轍轍不命輶遠封長安雖震震
顯封宜林采蘋其志帝去猶大通濟閭金馬壁
猶今榮其官歸往半恭寒賓莫交皆盡賢才出譽
官鼎高門金闌重第月幸臨風之萬國興慶律古

濟北晁先生雞肋集卷第五十九

濟北晁先生雞肋集目錄

第六十卷

祭文

北京爲神宗靈駕發引告祭文

河北轉運司告祭文

河北提舉司告祭文

禮部爲欽慈皇后發引百官告祭文

北京祭留守王太尉文

北京國子監奉詔封孟荀揚韓告先聖文

詔封孟荀揚韓告先師文

筮地告先考著作文

告六叔父寺丞文

北京祭措置李宣德文

除夕祭北京教授解土地神文

罷齊州先塋焚黃告祭文

代澶州韓諫議祭河文

代祭龍女文

國子監祭司馬溫公文

館閣祭呂申公文

代尚書侍郎兩制祭魏王文

祭歐陽文忠公夫人薛氏文

同李昭玘陳察祭贈太師李公文

代王資政祭李少保文

祭陝州二叔父文

祭外舅兵部杜侍郎文

祭南京留守刑部杜侍郎文

濟北晁先生雞肋集目錄 終

濟北晁先生雞肋集卷第六十

祭文

北京爲神宗靈駕發引告祭文

薤露朝晞歎九齡之夢闐宮車晏出驚七月之期
臻崩天增杞國之思譽孝切堯人之慕因山克就
同軌具來羹牆痛劇於中宸弓効哀纏於羣辟安
知帝所逍遙廣樂之觀空有人間惆悵汾河之詠
戒塗雔輦接軫大伾竊守提封是虔告享風雲改
色羽衛無暉背通汴之神皋指清伊之吉壤惟宗

祧傳聖謳歌訟獄以咸歸而功德在人禮樂政刑
之未悖不顯亦世無疆惟休臣等祇奉官箴阻瞻
牆攀繩號莫逮酒血摧心

河北轉運司告祭文

昊穹不弔仙馭難追爰諫七月之期是届萬方之
軌邈鼎湖之龍去天上景長空汾水之雁飛人間
事改纘服懋重熙之化見牆昭大孝之思矧茲臣
鄰以遠黎庶仰瞻何所憚踊寧堪法仗載嚴悲笳
互咽築白雲而安往刪黃鳥以無從惟夫神功莫

大而難知固與景命俱傳而不息臣等各糜官守
阻望靈輶徒有忠誠攀號酒血

河北提舉司告祭文

因山之制七月遄臻同軌之期萬方咸在弓劒畱
鼎湖之慕衣冠餘渭水之思憭慄徂秋已變風雲
之慘淒涼入夜更增笳鼓之悲虞牆徒劇於見堯
夏服仍勤於纘禹著龜告吉陵寢卽安刪黃鳥以
無從訴蒼穹而何所惟神功不宰固妙物以難知
且聖祚有歸宜與天而俱永臣等孤忠徒切行奠

莫追西望靈輶攀號雨血

禮部爲欽慈皇后發引百官告祭文

媯爲舜氏本明德之方興陳以滿封實故家之始
大豈特活千人而有祚固當流八世而莫京允屬
盛期篤生碩媛葛之爲綏儉可化於女工雞則匪
蠅庶無憎於朝事是用膺天眷命開國慶基肇鳥
至之禋郊肆龍飛之澤寓而不逮東朝之養已驚
仙馭之遙抱泣珠襦初啓南阡之宅伸哀寶冊載
嚴西寢之封邈永裕之真游靄欽慈之徽號雲章

五字忍聞追遠之聲風動萬人咸識因親之化將
以貽休有煇坐佑無疆臣等陳力官聯羞誠祖奠
靈輶莫駐摧隕何堪

北京祭留守王大尉文

維元豐八年八月某日某官某等謹以清酌庶羞
之奠致祭于故留守彰武節度王公之靈曰書載
箕子爲武王陳洪範嚮用五福竊嘗有言天不能
界人福也曰有嚮用者焉惟君子好德故能受福
于天答賈誼以能誦詩書屬文起家洛陽生十八

年豈如公孫區區春秋雜說白紛始也如推上乎
蓄川惟仁祖以仁覆天下天下含餔鼓腹不知上
德之然其文章爾雅同風漢氏繫公所以潤色公
不有而誰先其入翰林丞御史尹開封使三司而
士相與賀者公且執天下之權其領十五州守三
都以使南院班二府者公雖不大用而位亦益遷
粵主上稽古思道未有命戒先耆艾者將以乞言
乃方叔元老維曰壯猷豈其驛驛久董夫戎旃謂
公當促舍人之裝而公方且導引辟穀欲棄人間

之陋從赤松以翛然奄乎不知何往意者以形爲
蜩甲其不與物盡者固已飄乎委去而登仙躋公
堂以綺酒猶髡鬚乎平日而儼然帷几莫我覩而
悲填若夫勤勞啓沃心存天下垂五十載者則豈
惟其僚屬之所私詠而燦然不泯有旂常兮茲傳

北京國子監奉詔封孟荀揚韓告先聖文

維元豐七年月日河南府左軍巡判官充北京國
子監教授晁補之謹以清酌庶羞之奠敢昭告于
至聖文宣王曰答周失厥道紀綱用微惟時夫子

果果出日披其重祲爲萬世明夫子旣沒揚墨是肆爰有孟氏詞而闢之荼蓼旣薅嘉苗孔殖于今其功人以配禹俾遇夫子蓋顏淵徒自時百家蠭午竝作承孟氏後荀况揚雄降秦終漢教用不隕俾夫子道炳然復彰魏晉而還文事滋落學不爲已其舌肆好猗歟韓愈始以文顯廈屋將覆勇於敢扶唐三百年斯人惟偉天啓我宋咸秩無文追求四賢崇以爵號從夫子後不暇有光更千萬年學者咸仰今有司承詔封孟軻爲鄒國公與兗國

公同配食荀況爲蘭陵伯揚雄爲成都伯韓愈爲昌黎伯竝從祀謹撰吉日以告尚饗

詔封孟荀揚韓告先師文

維元豐七年月日河南左軍巡判官充北京國子監教授晁補之謹以清酌庶羞之奠敢昭告于先師堯國公曰管我夫子有徒三千惟公好學未達一間爰有孟氏聞而知之與公異時合若符節孟氏旣沒荀揚嗣興是三大儒吐詞爲經末流至唐篆刻是駿有賢韓氏奮而學古達道之塞于儒有

功微言賴茲不絕如綫粵宋七世咸秩無文卷龍
鷺冕曰公若伯從我夫子興吾先師洋洋俱傳百
世不熄今有司承詔封孟子爲鄒國公配食文宣
王荀子爲蘭陵伯揚子爲成都伯韓子爲昌黎伯
竝從祀謹撰吉日以告尚饗

筮地告先孝著作文

維元豐七年十月日男補之將之謹以清酌庶羞
之奠告于先孝著作之靈曰答我先人率德顧弗
永年乃不肖子補之將之不能必成葬不以時乃

尚宦學四方惟歲時望祭有覲肆卜我先祖魚山
故兆唯吉土十月乙酉是崩用大定我先人之宅
遣車旣飭惟不肖子補之將之悽愴怵惕殯越于
地則亦靡及尚饗

告六叔父寺丞文

維元豐七年十月日姪濠州團練推官知壽州壽
春縣事充北京國子監教授補之謹以清酌庶羞
之奠告于六叔父寺丞之靈曰答我叔父事親竭
力夙以孝聞薰然慈仁見謂鄉黨宜貴宜富宜壽

孝多子位祿弗究以不永年承其後者藐然一女
補之念此常痛于心惡衣菲食用克歸匱于魚山
之宅十月乙酉是崩前我先祖後我先人筮曰宅
此惟安乃歲時薦享則有先人之不肖子補之在
乃先人之祀未墜于地則我叔父飲食如生惟我
先祖先人實聞斯言尚饗

北京祭措置李宣德文

維元豐七年月日具官晁補之謹以清酌庶羞之
奠致祭于故措置司句當公事李君漢舉宣德之

靈曰嗚呼漢舉志如鴻鶴可使戾空而弊羽毛乎
汚澤才如泉阿可用剗玉而頓鉛刃乎腥膻仕弗
充乎其位壽弗究乎其年理有是而更非喟誰者
其使然抑造化之範人亡予奪之或偏謂人心其
不平分薄厚乎愚賢嗚呼漢舉別幾何時黃葉在
戶而車而馬翫者稱遽酷酸肴昧君往不御惟有
涕淚東門之路何以遣哀歸安其故尚饗

除夕祭北京教授解土地神文

維元豐七年十二月晦具官晁補之謹以清酌庶

羞之奠祭于土地之神曰聞之福莫長於無禍故古之君子祭不欲祈補之不才承乏三年于茲將代而去矣賴神壅培弗罹于咎祈則何敢報可忘乎恭薦菲詞惟神鑒此尚饗

不本罷齊州先塋焚黃告祭文

紹聖二年二月八日男左承議郎充祕閣校理新就差通判應天府南京留守司畿內勸農事武騎尉補之謹以清酌庶羞之奠敬祭告於先君著作晁公之墓曰補之不肖始葬先君之三日還官于

魏其後忝命入館登朝爲州逮茲謫官凡十一年而後始獲拜奠墓下楸柏盡拱而不肖子補之尚宦遊四方不能反田里奉酒埽牃惕隕心今天子以元祐壬申十一月甲子冬至郊見天地凡在庭之士皆得追榮其先人初以左奉議郎告于第恭承光命旣慙以哀惟是先君之潛德隱行天其或者尚將大之在它子孫非不肖子補之獨能致此謹撰日以告尚饗

代瀘州韓諫議祭河文

維年月日具官韓某謹以牢醴之奠告祭于靈源
王之神曰天子以季秋祇見合宮禮成告祭及河
喬嶽罔不率舉而某位古諸侯境內之祭得預行
焉惟神聰明正直國有典祀靈長之性并千七百
載厚地而不洩坎德旣平則惟神祥以茂昭聖天
子之功神之血食終古豈不贊歟尚饗

代祭龍女文

維年月日某官韓某謹遣某奉命服詔敕以牲酒
之奠告于神濟夫人之神曰有天下者祭百神故

五嶽四瀆古有典祀而山川之靈其福足以仁其
一方者則天子亦爲之崇禮秩嚴貌像所以爲施
報甚美也惟神聰明產德于幽其亦歆天子之嘉
命允翕巨川底寧北方則神之名號惠澤洋洋與
河亡窮豈不休哉尚饗

國子監祭司馬溫公文

維元祐元年九月日具官某等謹以清酌庶羞之
奠致祭于故丞相司馬公之靈曰嗚呼公乎寬栗
柔立根于明誠進禮退義世爲重輕千葉不居古

稱好名公乎不然志合則行布被脫粟他人爲詐
公乎不然則以身化公臥洛師閉關却埽淡衣講
道將以是老公歸朝廷路車乘馬扶攜襁負民拜
于野聖母神孫在宮載祇公率其官正人具來誠
心行義令出而聽國安九鼎大勢已定民以法治
法勝則煩譬如魚喰則清其源賣刀緣敵盜豈得
發苟無欲之雖賞不竊裴公處內如不勝衣問其
貌年威行四夷楊公入輔曾未幾何毀第減騶人
去其華忘身憂國晚以骨立生非其厚所愛民力

有來遠縣廢食與言問民而沒反席未安帝祇合
宮公薨計聞徹尊往臨追胙故溫公薨季秋甲戌
暮雪民憂歲寒相諺未褐聞諸道路信有斯言曰
公在天胡俾我寒以勞定國人曰宜享何以知之
家有公像生爲民望其沒亦神公乎何憾悲者世
人尚饗

館閣祭呂申公文

維元祐四年月日具官某等謹以清酌庶羞之奠
致祭于故平章司空呂公之靈曰嗚呼大人之德

如山如川作鎮九州經營幅員國有大人君尊而榮地有山川氣傑以靈豈惟寶藏百貨所養惟其高深物則固往善觀國者庶其在茲無象太平望而知之季札觀樂興衰以喻見蘧伯玉知衛無故秦使入楚楚寶爲陳昭奚卹在知楚有人楚衛區區何足與謀有是二臣以雄諸侯如虎在林如龍在淵何必風雲其威自然小才近用則不若此方圓殊施文武異事一官得人則一事行比事得失非國重輕嗚呼公乎敦大中和代天之工道固透

阨處厚持滿彊者莫先清心守默辯者莫前是惟元宰三公之德豈如淺智物我異職魏公典籌初不自務旣執弓矢人服其能徐公行義亦旣有常世自奢儉吾無低昂巍巍兩朝盛德高名內則國幹外則長城沈幾入告成敗先定家人不知矧復百姓羣言並進不尸其德使公議安人享其澤二聖統臨公秉政機垂紳搢笏百辟是儀征繇不興盜賊先改商賈阜通九河輸海謂法未具滋章已除謂財未充民氣已舒謂人未用忠賢旣立謂遠

未賓羌戎貢入太平之功可指日冀人之無祿天
不憖遺兩宮震悼庶民嗟咨哀榮典冊禮盛一時
某等在廷辱公品職陶冶之公無所歸德旂旛蕭
鼓送公國門攄詞隕涕侑此酒尊尚饗

代尚書侍郎兩制祭魏王文

維元祐四年月日某官某等謹以清酌庶羞之奠
致祭於故魏王之靈曰周建同姓錫之山川康叔
伯禽魯衛惟賢漢懲秦餘非劉不王矯枉過中尾
大股彊魏之宗盟禮勝恩疏給羸卒百徒隸與居

粵千載來以州郡理宗子維城名存實廢作蕃于
國匪地惟賢惟賢有德亦國之蕃漢於孝王欲常
常來以家人禮燕喜且諧兄弟無遠曰親親仁畱
不之國亦以厚親嗚呼魏王仁孝忠誠威儀卒獲
近其性成豈惟河間講禮修樂豈惟東平爲善最
樂惟神母子惟帝叔父尊無與隆恩何可貳在人
之情再命駕車貴極富溢以勤儉娛作邸于京寔
親賢宅俾宗室良咸有矜式玉帶魚金顏如渥丹
云何不淑而不永年兩宮悼驚豈惟在廷詔追榮

之以魏大名使河山微與國永寧五月而葬禮則有制卜遠歲宜以恩奪禮衣裳在堂旂斂在門詞以伸哀侑此一尊尚饗

祭歐陽文忠公夫人辭氏文

維元祐四年月日某官某等謹以清酌庶羞之奠致祭於故文忠歐陽公夫人辭氏之靈曰嗚呼夫人慶累世儲簡肅惟父文忠惟夫象服委蛇湯沐大都世間所乏豈富有貴高門鼎食里屬垣比惟有德者愈久彌長或微或興微興有光惟贊文忠

名擅一時于今學者孰不仰之矧夫人子聯職文館升堂拜母恨相從晚生乎可拜沒饗亦禮庶幾誠心歆此醪醴嗚呼哀哉尚饗

同李昭玘陳察祭贈太師李公文

維元祐四年月日某官某等謹遣某以清酌庶羞之奠致祭于贈太師李公之靈曰自簪布衣起家之士必其學可用德可立而才可爲近可以利當世而遠可以遺後人兼是三者公侯之器至其莫施時則不暨公魏大姓世家以資散其千金負笈

求師爰以進士得官天聖抱其所能而止一令造物報人微與之期是生左丞出秉政機河齧其原用改斯卜遂以龍章西山之麓曰子曰孫有公及士服其命服承此祭事生雖莫施而沒顯名有表其阡邦人所榮某等於公其生既後咸以賤貧左丞所厚不獲相事一官所攬馳詞侑奠亦以抒情嗚呼哀哉尚饗

代王資政祭李少保文

維元祐六年月日具官某謹遣某以清酌庶羞之

奠致祭于故致政少保李公之靈曰天之生才初罔不艱既畀之才其施復難王侯戚里兒童綺紈豈無其人鳩毒宴安宴安不懷於公見之非此其賢其才足施真宗之甥冀國之子五朝三世恩無與比鳳雛驥駒其生固奇置樊檻間世寧識之仁宗恭儉四十二年峩冠大羽文武竝肩知公於親欲任心齊匪親則嫌或以嫌沮英宗退託未攬萬機公不自嫌語祕莫知念先朝意滋欲分政知而不以時則有命何以樂之樓觀池園退老于家虹

婉屈蟠鳴呼哀哉自簪和文折節好士人賢其賢
不榮其侈公生又似好善有能富貴益恭人以是
稱交游滿國搢紳有聞高堂擊鍾驪駒在門尚想
孟公投轄拒戶庶見聲子班荆道路鳴呼哀哉別
幾何時人事變易蘭亭觴詠俛仰陳迹喪終之典
時則有加豈惟故人出涕咨嗟寓詞千里侑此尊
俎衣裳在筵髡髦一舉鳴呼哀哉尚饗

祭陝州二叔父文

紹聖二年十月四日從姪承議郎充祕閣校理通

判亳州軍州管內勸農事武騎尉補之謹遣人以
清酌庶羞之奠敬致祭于二叔父故知陝州祕監
學士之靈曰我宗之牒鼻祖澶淵起國之初大子
文元務德不華中微以藉自我先君諸仲叔季蟬
聯世科將隕而起先君嘗謂叔父溫文捨叔父賢
孰知先君施及不肖如親父子匪徒之私自爲知
已嗚呼哀哉天禍我家先君早世孰憐其孤亦叔
父志教之譽之人莫間之誤意先君鳴陰必和不
知其子弱不克荷迺爾代匱丞中祕書叔父爲監

聯驂並裾貧得守齊亦旣陛遣病休不省臥憂展
轉愚觸罪悔佐守宋京書來九返勞撫于行仕何
足云匪姑息故愛緣其私則以尊祖今年在宋聞
疾請州問安六輩信無報郵謂答不然知憊莫勉
如何不淑隕命候館痛我家世善人日微非此其
承其來益衰念此如焚血溢爲泣怛然寐哭寤追
靡及一官所櫬奠不撫筵孰知此哀彼蒼者天尚
曰幸哉其子如此不鄙爲兄猶同父弟誓當與約
彌遠益親如我叔父與先君存往不其亾此舌不

吞嗚呼哀哉尚饗

祭外舅兵部杜侍郎文

紹聖二年十一月二十八日第五女婿承議郎充

祕閣校理通判亳州軍州兼管內勸農事武騎尉
晁補之謹遣外孫女晁氏十五姐湘以清酌庶羞
之奠敬致祭于故修撰侍郎丈人杜公之靈曰補
之少日愚無師聞聞詩與禮于我先君先君爲言
公孝而賢汝長而師則公莫先從先君南年十有
五方舟蘭陵遇公于旅會先君出拜侍公寵鳬

唯力集

卷之六十

詩瘦閣

于階翛然異容曰此何爲玩物喪志若斯其年一日千里念先君語竦然起驚公嚴而和導我以情却後五年初隨鄉舉過公濮陽與坐笑語謂爲可教而不瑕疵申以婚姻眷言自茲歸宜其家惟公淑女使寡悔尤亦公女助公仕浸顯官常百秩祿仁其宗逮孤與疾堂堂在廷如皋如夔至其胷中百不一施謂公仁人宜壽宜貴何辜于天而不憖遺國士之喪國士之哭失聲相駭迫於僮僕嗚呼哀哉人誰不死死誰則哀哀在哲人匪婚姻懷念

公自養後已先人公疾而憂公非愛身衆離墮地則各有命矧公賢子而憂不競生無世累糠秕紛華沒反其真孰爲我家謂公之知進乎此矣此言之聞公悲可止念公之女毀不圖生去五百里勉之使行一官所攬奠不親偃有變其笄公外孫女庶幾平生御此酒脯嗚呼哀哉尚饗

祭南京畱守刑部杜侍郎文

維元符元年四月日第五姪聳孤子晁補之謹以清酌庶羞之奠敬致祭於故南京畱守修撰侍郎

七丈人杜公之靈曰嗚呼公乎如金如玉如松如竹雜於物而不變稟諸天之所獨而一旦毀折遂不可作耶移孝於事君移家於爲治賢勞記於先朝名譽流於當世而竟不大任遂止於是耶惠故民愛之如父母敬故士戚之如兄弟而堂堂去此惟民與士驚心而噴涕嗚呼哀哉督我先君與公元昆義均同產人靡間言施及諸稚申以世婚兩宗一家無復彼此矧公與我自爲知已我始筮仕教授北京公爲主知而有盛名數言我才于公于

卿自謂內舉退無愧情我後登朝亦官京師同衢接屋十歲於茲宴休戒我游觀載我忘年比義良朋待我而我少公十有六歲匪其志同于公敢輩公于學問尤長禮經至談百家顧嘗喜兵間同我論挺出崢嶸能賦與銘文章爾雅書記翩翩致足樂也自爲餘事故罕知者年垂六十侍郎秩官平生經緯虹蜺屈蟠白頭不召竟死爲藩嗚呼哀哉我守濟南後公五載問民所安流風固在前有范李後有曾王粵有杜公于前有光嗚呼哀哉惟我

惟力集

卷之十六

詩瘦閣

不孝獲罪于天奉親南徙中罹禍還唁我弔我五
書竝馳期我自遠匪婚姻私如何堊室泣血未殯
斬焉縗絰承公凶問嗚呼哀哉自今以往我無知
已雖其知者亦從風靡傾腸倒胃舌可捫矣尚想
山立英姿傑氣庶幾神交百世之外嗚呼哀哉公
喜我文喜同酒尊尚舉此尊尚聞此言嗚呼哀哉
尚饗

濟北晁先生雞肋集卷第六十

第 35273	号
平成 3. 11. 22	928
聖園	サ
和短	13
國書	館大 學

周



